

13 11
CAELVM EXQVILINVM

AMORIS NIVEI SEDES

SIVE

DE NIVIBVS AVGVSTIS

SOLVTA, ET VINCTA PEDIBVS ORATIO


Habita in Ecclesia S. Mariæ in Porticu in Campitello

A VINCENTIO BELLINZANIO
ET IO: FRANCISCO MARRACCIO

LVCENSIBVS

Congregationis B. Mariæ ad Nives Sodalibus

AD

Eminentiss. & Reuerendiss. Principem

MARTIVM GINNETTVM

S. R. E. Card. Amplissimum.



Romæ, Typis Ignatij de Lazaris 1662.

Superiorum Permissu.

1. 1.
OCEANOGRAPHIC
JOURNAL

OF THE
UNITED STATES
NAVY

VOLUME
XV
PART I

1881

WASHINGTON
GOVERNMENT PRINTING OFFICE

1881


1881

1881

EMINENTISSIMO PRINCIPI
MARTIO GINNETTO

S. R. E. CARDINALI
VINCENTIVS BELLINZANIVS
ET
IO. FRANCISCVS MARRACCIVS P. F.



Xquilinum Cœlum, in quo
Leonis flammæ cum Vir-
ginis Niuibus, Amore se-
questro, foederantur: Te, Princeps
Eminentissime, luum ambit, ac
prensat Atlantem. Te, inquam, can-
didissimum Purpuratum, qui Ni-
ueam animi sinceritatem Purpuræ
ardore non minuis, sed foves: ut in
Te (quod rarissimum est)

Bene conueniant, & in una sede morentur

Maestas, & amor.

Id nos fecit audaciores , quò
Tibi rudis adhuc, malèque culti in-
genij nostri opusculū dicatum siste-
remus. Qualecunque tandem illud
sit ; Cœlum , Amorem , Cando-
rem fronte præfert. Si non res ipsas,
nomina saltē Te digna exhibemus.
Neque verò est, quòd Rosis tuis ab
æstiu Leonis ardoribus in Cœlo
timeas Exquilino ; vbi Virgo per-
petuis Niuibus illius calores ita mo-
deratur, vt fouere, non adurere flo-
res possint. Et fortassè Rosa illa,
quæ profani Numinis sanguine re-
persa , extraneum fertur contra-
xisse ruborem : Virginearum Ni-
uium tactu , natium cando-
rem recuperabit .

ORA.



ORATIO



D montem Montium Apicem, Terra-
rum fastigium, Cœlis proximum, cœlum
nouum, minus fortassè firmis, quàm Dæ-
dalæis innixa pennis ignara viæ tendit O-
ratio N. N. Nec tamen illa casum veretur
Icarium, quòd non ad flammæ, sed ad

Niues itineris sui certissimum signum destinauerit. Vestre
solummodò benignitatis, & attentionis auram expectat, qua
sefe à terrena humilitate subleuare, alasque felicissimo omi-
ne in superas Exquilini-Collis oras liceat explicare. Quan-
quàm istam mihi iam pridem persensisse videtur, tanto ad
amœnissimas illas sedes impetu rapitur, vbi inter auspica-
tos augustarum Niuium candores Augustior Virgo præ-
sentissimo semper numine adesse comprobatur. Atqui aut
ego nimis lynceus sum, aut nimis cæcutio, Montem ipsum
videre mihi iam videor, & profectò video; en Testes ad-
sunt ab omni fraude alienæ sincerissimæ Niues. Saluæ fe-
licitatis emporium refertissimum, saluæ miraculorum Ager
fecundissime, Mons Exquiline, saluæ peregrinantium de-
more angusto, humilique habitu succincta te supplex nostra
veneratur Oratio, & inter gratulantium tibi totius Orbis
Montium cateruas ad tuum culmen, lacteum Cœli circu-
lum, vel Cœlum, vt meliùs dicam, niueum audaci quadam

pietate compulsa accedere non reformidat. Non enim immanes hūc portentosi Leonis rugitus, non tristes Scōrpij ferientis Aculei, non venenatæ minitabundi Chironis sagittæ terrorem propiūs pedem admouentibus incutiant; sed vnica Virgo signum, tam Cœlis magnum, quàm terris amabile admirabili, prorsusque diuina benignitate allicit, ad seseque compellit, quæ mortalium sceleribus offensa non humanas, vt olim Astræa, Regiones deseruit; sed hominum potiūs miserata casus è supremis sedibus inter candidas Niues delap̃sa est, vt aureum sæculum Orbi nostro ferreum iam diū sustinenti, fastidientique restitueret. An non idèõ temeratum, fœdumque solum Niuib⁹ obduxisse videtur, vt aureis imbrib⁹ excipiendis aptius euaderet? Quanquàm nullum ego aurum Mariana Niue purius, aut pretiosius reperiri posse existimo, quippè è Theſauris illis deprompta, quorum se Deus ipse Clauigerum sacris in litteris, custodemque fatetur. Aureum Terris olim nascentibus sæculum congenitum fuerit: Exquilino sanè Cœlo adhuc infanti lactea dulci⁹ Aetas sapit, Niuea iucundi⁹ tempora arrident. Agite verò quid lætum, quid felix, quid diuinum in hoc Cœlo non apparet? nonne felicitati, fortunæque ipsi natum, destinataque meritò cuique esse videatur? Ex historiarum certè monumentis accepimus, antiquos Romani Nominis, Imperijque Propagatores eodem in loco Fortunæ Templum statuisse, vt indè fortassè latinæ felicitati excubias perennes haberet; vel etiam quòd iam tūc Dea illa, cui ad æthereas plagas aspiranti nullus vnquàm in Terris locus arriſerat, nouo hoc Cœlo comperto, suam ibi Rotam Aheneo

Cl-

Clauo figere , æternasque sedes erigere constituerit . Et
proculdubio hoc vno in Monte Fortuna fortuita non fuit ;
hîc tantummodò consuetas vices ignorauit ; hîc se fortuna-
tissimè morari posse cognouit ; vt ouidianum illud de ea
iam sit abolendum ?

Et manet in nullo firma , tenaxque loco .

Quid mihi nunc suum Macedonia Olympum copio-
sissimam fabularum officinam , ac poeticis solùm commen-
tis insignem , vanis ad Cœlum laudibus extollat ? Exce-
dit ille nubes ; at maiorem suam ducit Exquilinus felicitatem
iisdem nubibus subesse , vt indè Virgineas possit niues
excipere . Sublimi , elatoque iugo adeò sursû ille protendi-
tur , vt loci Accolæ nimia quadam assætatione Cœlum ipsû
non vereantur appellare . At verè etiam , iurèque appellent .
Cur enim si stellatos Orbes Cœli montes fatidico licuit
Regi nuncupare ; nobis montes ipsos Terræ Cœlos vocare
denegetur ? Habeat suam Cynthus Lunam , Martem Rho-
dope , Cyllene Mercurium , suum iâctet Ida Iouem , Ve-
nerem Cithæron , Leucas Saturnum , Solem ipsum ,
Parnassus ; fabulosa Numina , Vagorum tantummodò A-
strorum nomina . At verò Exquilini Cœli Primatum ,
omnes agnoscant , seque eodem minores fateantur , atque
in illud non vnum , sed omnia sydera ad Virgineum Ca-
put exornandum certatim conueniant . Vel si idem , vtpo-
tè nimis excelsum , attingere nequeant , niueo solo defixa
sacris Diuæ pedibus humiliori obsequio famulentur . Ad-
dent N. N. addent pedes illi nitorem , niues illæ candorem
syderibus ipsis : ita vt Cœlum suum Exquilini Cœli Colo-
niam deducere posse singularis beneficij loco sint habitura :

At-

Atqui miror, etiamsi vllum tam sublime sydus reperiatur,
quod ad Vergineihuius. Cœli Verticem possit ascendere;
Empyreum scilicet, flammatumque omnino censendum est,
quod tamèn suas flammæ in Niues, candidissimæ Virgini
obsequendo, nouo miraculo commutauerit. Salue iterum,
seù potius vale fortunatissime Montium, Mons Exquilinæ,
Augustissimum Cœlum, pulcherrimum ingeniosæ Virginis
opus, cui iam tum illa prælusit, opinor, cum Deo Optimo
Maximo Cœlos præparante, in Orbe Terrarum ludens
aderat, eosdem simul componendo, primamque tui formam
in illis effingendo. Libentissimè quidem omnes in te dies
exigerem, atque inter tuas Niues niueus ipse fieri peropta-
rem; Immortalitatis saltèm colorem in te, vtpote in Cœlo,
præferrem: Quod si mortem subire contingeret, ibi mori
non inuitus eligerem, vbi candido possem funere decorari,

L A V S D E O.



CARMEN.

P Laudite . Iam rapidos aestui syderis Ignes
Virginæ retudere nives : Terdena pererrat
Mior Astra Leo ; meliori degimus auro ;
Scilicet Exquilio riguere in vertice flammæ ,
Cælum ubi Diua suo cælestis fixit amorì .
Ast ego , quos nivea paulatim in sede calores
Concipio ? face qua subito mea pectora feruent ?
Exulat hinc alijs ; uni mihi linquitur ætas :
Me solum fugere nives : Cæloque sub albo
Virginis , in media [vis est ubi plurima solis]
Viuerè comperior Zona . Sic clauditur uni
Sedes Exquilij fortunatissima Montis ?
O mihi quis saltem Cælo dilapsa reducat
Nubila , & immodicos miseratus temperet æstus ;
Si niuium superest quidquam , nec rosa Latino
Immaduere iugo , aut penitus periere calores
Quid loquor ? Ecce nives ; Niveus sum totus , ut esse
Marmoreum videar signum , ni spiritus obset .
Iam mihi Sythônicas alpes , glaciæque sepultos
Rhipheos Apices , atque algida regna Gehennæ
Incoluisse datur . Tamen ardeo , & alta medullas
Flam-

*Flamma subit: Mediaque meus niue perfurit ardor.
Innova monstra ferar: transit mihi pectus in Aethnam
Aethnani perpetuos ructantem faucibus ignes;
Quae tamen immota niuibus, gelidisque pruinis
Scit seruare fidem, nimio ne exuberet aestu,
Concretosque furens humores flamma resoluat?
Ergo niues, Regina, tuas mihi credere fas sit:
Flammiuomos silices, mea pectora fomitis instar
Esse putem, chalybemque meum cor iure vocabo;
Quod primo tantos attractu discutit ignes.
Fœdera sanxerunt in me simul ardor, & albor,
Flammagelu, nix igne viget; niue pascitur ignis,
Et vires tacito præbent medicamina morbo.
Sed bene. Quam valeo licet æger! Virginis artes
Persensi; fictis rerum colludere formis,
Et versare pias occulta indagine fraudes.
Scilicet illa cupit; fas est agnoscere morem.
Antiquum Diuæ, genito cum nuper in Orbe
Luderet ante Deum, cætuque admixta virorum,
Delicias superi vix iam curaret Olympi.
Hic niuibus ludum reuocat. sunt omnia semper
Fausta niues, puraquæ simul sunt Virgine digna.
At nix ista, reor, furciuos occultis ignes,
Et specimen tantum retinet niuis; O ego possem
Ardentes aperire sinus! mea flamma pateret,
Quamuis illa foret niueo depicta colore.
Namque Amor æthereus, genuit quem candida Virgo,
Candidus esse cupit, niueoque incedit amictu,
Vrere quo melius mortalia pectora possit.*

Hinc

Hinc illum media quondam sub sydere bruma
Fudit Ephratoeo Genitrix enixa sub antro
In medijs niuibus : Quæ nempe crepundia magni
Prima forent pueri , & puri cunabula amoris .
At non ille suas tali sub tegmine flammæ
Abdidit . Inde magis caluit , fomentaque traxit
Ardori , lucique simul ; Nox visa repente
Clara dies ; Nec sola faces Iudæa beatas
Sensit : In extremos incendia fudit eos ;
Et gelida Æthiopum combussit pectora regum .
Sed magis , atque magis diuino carpitur igni
Mens mea . Virginei libauit Philtrōn Amoris
Commixtum niuibus ; Phlegeton per viscera serpit
Melleus ; ambrosijs ardent præcordia flammis :
Scilicet hic animam Phariæ de more volucris
Linquere compellar ; Quamuis mihi pignora flammæ
Sunt animæ melioris ; Amor, nouus arte Preomethus,
Materni Solis niuea face molliter urit
Pectora terrigenum , vitalesque imprimis auras :
Sed quid ego haud morior ? cur vitam vita moratur
Infelix letam ? cur non ardore resoluor
Æthereo , & tennes iam vita recedit in auras ?
Rumpite cælestes , mea stamina , rumpite Parca .
Parcere quid tantum inuat , atque in fila benignas
Ferre manus ? alijs seruentur Nestoris Anni ,
Mi satis Antilochi ; fieri nix candida possim
Totus , ut hoc saltem , liquantur membra calore .
Rumpite cælestes , mea stamina rumpite Parca .
Carcere conclusos angustæ pectoris æstus

Cor perferre nequit, sua tentat frangere claustra
 Impatiens : Tamen ista iuuant incendia , & Vltro
 Ardet, idemquè suæ capitur dulcedine pœne .
 Quid faciat ? rigidum ne minus sibi poscat amorem,
 An ne magis seuum ? sed inexorabilis ille est .
 Rumpite cœlestes mea stamina, rumpite Parca .
 O vtinam niueis mea transigat ille sagittis
 Pectora , & inde volans secum cor ad Æthera ducat
 At fortassè caret pennis , vel sustulit ignis ,
 Et teneris arcum manibus versare recusat ;
 Aut infans iacula exhorret , vel spicula flammis
 Fabricat in nostris etiam, aut sunt spicula flammæ .
 Purpurea saltem velasset lumina victa
 Nascenti Genitrix : incautum fallere possem ,
 Effugioque sibi reperiret vita salutem .
 Argus Amor meus est , nec eum sopire canendo
 Ipse vel Amphion posset , vel Thracius Orpheus .
 Rumpite cœlestes , mea stamina, rumpite Parca .
 Iam mihimet raptor , vita laxantur habena ,
 In sublime feror pennis subuectus amoris .
 An me ludit Amor ? vel amans mihi somnia fingo ?
 Felix ò nimium felix , ni vita rediret
 Hac vnquam : Videor superas volitare per oras
 Indigetum in morem ; mortalia cuncta relinquo .
 Plaudite , iam vitæ ruperunt stamina Parca .

L A V S D E O .

